

# UMP JADI PILIHAN TAWAR PROGRAM PENGAJIAN BERTARAF DUNIA

Pengantarabangsa Universiti Malaysia Pahang (UMP) dalam membina jaringan kerjasama akademik yang kukuh dengan Republik Persekutuan Jerman mampu melahirkan graduan berdaya saing. Model kerjasama akaderik bagi program dwijazah Kejuruteraan Elektronik dan Kejuruteraan Automotif dengan Karlsruhe University of Applied Sciences (HsKA) serta program dwijazah Kejuruteraan Perniagaan dengan Reutlingen University di Jerman dilihat sebagai contoh yang cemerlang kepada universiti lain di Malaysia.

Program dwijazah Sarjana Muda Kejuruteraan Automotif dan Ijazah Sarjana Muda Kejuruteraan Mekatronik UMP-HsKA kini masuk tahun keenam mampu melahirkan graduan yang dapat memenuhi pasaran pekerjaan. Program dilanjutkan dengan pelaksanaan program dwi-sarjana dengan HsKA juga diperluas dengan kerjasama dengan Reutlingen University dalam menawarkan program kerjasama Ijazah Sarjana Muda Kejuruteraan.

Perniagaan dengan Keupujian yang pertama seumpamanya di negara ini. Program dwijazah yang telah mula ditawarkan pada tahun ini membolehkan pelajar memperoleh Ijazah Sarjana Muda Kejuruteraan Perniagaan UMP dan Ijazah Sarjana Muda Operasi Antarabangsa dan Pengurusan Logistik dari Reutlingen University apabila tamat pengajian nanti. Bidang yang berkaitan kerjaya ini antaranya adalah eksekutif pengurusan, jurutera, perancang pembuatan, jurutera proses kejuruteraan, jurutera industri, eksekutif logistik, eksekutif rantian pembekal, eksekutif kualiti atau jurutera, eksekutif projek, eksekutif pembangunan perniagaan dan dalam bidang berkaitan perolehan.

Dato Dr. Daing Nasir berkata, pelajar akademik berpulang menyambung pengajian pada tahun ketiga dan keempat di Reutlingen University (RU). Profesor dari ESB Business School RU akan

menjadi sebahagian daripada tenaga pengajar di UMP bagi membolehkan pelajar mendapat pendedahan berkaitan teknologi kejuruteraan Jerman.

Penguasaan bahasa Jerman yang baik juga membolehkan pelajar berkhidmat dengan syarikat Jerman malahan mereka akan mampu mengintegrasikan pengetahuan dan kemahiran kejuruteraan perniagaan dalam organisasi.

Begitu juga dengan jalinan kerjasama dengan Osnabrück University of Applied Sciences pada tahun ini bagi memacu kecemerlangan bidang akademik termasuk dalam hal-hal berkaitan pertukaran pelajar dan kakitangan akademik, penerbitan bersama dan pengunjukan presidengan yang berupaya melonjak pencapaian universiti di persada antarabangsa.

Menurut Naib Canselor UMP, Profesor Dato Dr. Daing Nasir Ibrahim, Bekas Duta Besar Jerman ke Malaysia, Dr. Günter Gruber banyak memainkan peranan penting dalam menyajikan inisiatif pengantarabangsa UMP melalui kerjasama akademik tersebut dengan universiti-universiti di Jerman sepanjang tempoh perkahmatannya di Malaysia dari tahun 2008 hingga 2013.

"Baru-baru ini Kebawah Duli Yang Teramat Mulia Tengku Mahkota Pahang, Tengku Abdullah Al-Hajj Ibtisam Sultan Haji Ahmad Shah Al-Musta'in Billah yang merupakan Canselor UMP mengahayakan Ijazah Kehormat Doktor Falsafah (Kejuruteraan Perniagaan) kepada Dr. Günter atas sumbangan beliau kepada universiti bersempena 'Majlis Konokesyen UMP Kali ke-10' baru-baru ini.

Bagi Dr. Günter, UMP telah mengambil langkah yang tepat melalui inisiatif kerjasama akademik dan industri dengan universiti-universiti dan syarikat-syarikat Jerman. Ini memberi faedah yang tidak sedikit kepada universiti ini melalui perkongsian pengalaman negara Jerman dalam bidang teknologi hijau, tenaga boleh diperbaharui dan teknologi hijau. Sistem Berseduap Purata Gred Nilai

Kumulatif (ICGPA)

Dalam memenuhi keperluan industri dan melahirkan graduan holistik, berciri keusahawanan dan selimbang, Kementerian Pendidikan Tinggi (KPT) memperkenalkan sistem Purata Penilaian Gred Kumulatif Berseduap (ICGPA) yang bakal dilaksanakan di universiti ini. Pelaksanaan Sistem Profil

Pelajar (SPS) di universiti juga mampu memenuhi kehendak industri moden masa kini yang memerlukan graduan bukan hanya bijak akademik, tetapi berketampilan dalam kemahiran insaniah dan kemahiran interpersonal.

Pelajar UMP juga digalakkan untuk menjalani latihan industri di luar negara sebagai pendedahan meningkatkan kebolehpasaran pelajar agar lebih berdaya saing. Sehingga kini seramai 66 pelajar yang telah menjalani latihan industri di luar negara antaranya di negara China, Jerman, India, Korea, United Kingdom, Arab Saudi dan Singapura. Selain itu juga sebanyak 87.5 peratus alumni UMP yang telah mendapat pekerjaan dalam tempoh enam bulan selepas bergradasi.

## UMP TAWAR PROGRAM MBA BIOEKONOMI

UMP terus mengorak langkah ke hadapan dengan menawarkan program Sarjana Pentadbiran Perniagaan (MBA) secara luar kampus hasil kerjasama dengan Malaysian Biotechnology Corporation (BiotechCorp). Program yang bakal dijalankan pihak UMP Advanced Education (UAE) secara luar kampus

SINAR HARIAN 24/10/2015 MYS 31



Naib Canselor UMP, Profesor Dato Dr. Daing Nasir Ibrahim

pada tahun hadapan merupakan usaha UMP dalam memperkembangkan keaifeh penawaran program akademik UMP terutamanya program-program di peringkat sarjana.

Program seumpama ini dapat membuka peluang kepada mereka yang berhasrat untuk menyambung pengajian dalam bidang berkaitan.

Pembelajaran akan diadakan di Menara Aftan, Kuala Lumpur ini bakal memanfaatkan golongan yang bekerja untuk menyambung pengajian mereka.

Program ini mampu melahirkan graduan dalam bidang pengurusan pentadbiran yang dapat memenuhi keperluan sektor bioteknologi.

Dijangka seramai 160,000 orang diperlukan dalam bidang ini menjelang 2020 terutamanya dalam memenuhi pembangunan industri bioteknologi negara.

Selain itu katanya, negara

memandang serius dalam menggalakkan pembelajaran sepanjang hayat di kalangan semua rakyat negara ini. Bagi menyokong dasar pembelajaran sepanjang hayat, Pembangunan Sumber

Manusia Berhad (PSMB) telah meluluskan liputan pembiayaan pengajian melalui HRDF hingga ke peringkat siswazah supaya pihak majikan mendapat faedah daripada levi yang mereka sumbangkan dalam HRDF.

Jelas Prof. Dato Dr. Daing Nasir, bagi meningkatkan daya saing ekonomi, produktiviti kakitangan perlu ditingkatkan menerusi penggunaan tenaga kerja secara cekap, peningkatan kemahiran dan pengetahuan serta keupayaan pengurusan di semua sektor ekonomi. Untuk itu, pelaksanaan program sarjana pentadbiran perniagaan secara luar kampus sudah pasti akan membantu dan menyumbang ke arah peningkatan daya saing ekonomi negara.

Strategi lautan biru UMP bersama ECERDC dalam membangunkan masyarakat luar bandar.

Kewujudan UMP menjadi pemangkin dalam merancakkan pembangunan di negeri Pahang bukan sahaja dalam menghasilkan bidang kepakaran universiti namun ianya sekaligus meningkatkan taraf hidup masyarakat, merangsang pertumbuhan ekonomi, memudahcara transformasi dan yang pastinya terus memberi manfaat besar kepada penduduk sekitar.

Begitu juga dengan Strategi Lautan Biru (Blue Ocean Strategy) yang digariskan dalam pelaksanaan Program Pembangunan Modal Insan oleh UMP bersama Majlis Pembangunan Wilayah Ekonomi Pantai Timur (ECERDC) mampu membenarkan mereka peluang pekerjaan agar dapat menikmati taraf hidup yang lebih baik pada hari ini. Dengan sasarannya terhadap penduduk luar bandar yang terdiri di kalangan golongan miskin tegar, wanita dan belia yang tinggal jauh dari bandar, usaha yang dijalankan empat tahun lalu kini mula menampakkan kejayaan hasil usahasama melibatkarf gandingan kerjasama erat antara UMP dan ECERDC ini.

Melalui kluster pendidikan yang diperkenalkan dalam Program Empower ECER lainya mampu meningkatkan kefahaman masyarakat luar bandar terhadap nilai keusahawanan yang boleh menjana pendapatan yang lebih tinggi terutamanya di kalangan peserta agropulitan di Runchang, Lepar dan Tangga Batu yang juga dinikmati penduduk di sekitar Kuala Pahang.

Bersesuaian dengan kewujudan UMP yang terletak berhampiran dengan kawasan Zon Ekonomi Khas ECER lainya turut menjadi penggerak terhadap pelaksanaan Program Empower ECER Mahkota Kuala Pahang yang diilhamkan sendiri Canselor UMP, Kebawah Duli Yang Teramat Mulia.

Tengku Mahkota Pahang Tengku Abdullah Al-Hajj Ibtisam Sultan Haji Ahmad Shah Al-Musta'in Billah yang menasarkaan pembangunan akademik dan kemahiran khususnya di Mukim Kuala Pahang. Ianya kini dilihat semakin berkembang dan meluas ke beberapa lokasi sekitar daerah Pekan bermula tahun ini. Program yang dilaksanakan ECER dan UMP yang diterjemahkan melalui program khidmat komuniti ini menjadi medan interaksi di antara warga UMP dengan masyarakat melibatkan beberapa projek yang diusahakan bersama pihak UMP Advanced Education (UAE).

Pelbagai inisiatif yang dijalankan UMP ini juga mampu mentransformasi aras pencapaian sosio-ekonomi dan taraf hidup kumpulan sasaran yang terfikat dalam jangka masa panjang bagi meningkatkan motivasi, kehadiran dan pencapaian akademik pelajar serta menyuntik semangat mereka untuk menempuh kehidupan dengan lebih maju. Kewujudan UMP ini bukan sahaja diketahui dan dilihat perkembangannya malah lebih dirasai dan dimanfaatkan bersama penduduk setempat. Malahan, penglibatan pelajar dalam menjayakan inisiatif ini juga mampu meningkatkan kebolehpasaran graduan yang akan memberi nilai tambah kepada pelajar dalam melahirkan graduan yang bersifat futuristik, berfikirin baharu dan bertatasulita tinggi pada masa depan.

